

NORMATIVA XERAL DE WÁTER-POLO

Tempada 2006 - 2007 - Circular 06-36

A seguinte normativa será de aplicación para todas as competicións territoriais

1.- Aliñacións

1.1.- Os Clubs facilitarán á mesa a relación, con cabeceira do Club, que inclúa nº de gorro, nome e apelidos, número de licenza e ano de nacemento dos deportistas, sempre acompañada da relación de licenzas que se obtén do programa da FEGAN.

1.2.- Nas actas, e a continuación do nome e apellido (poderá ser INICIAL DO NOME), deberá figurar o ano de nacemento e número de licenza da presente tempada.

1.3.- Os Clubs en ningún caso poderán aliñar un xogador, adestrador ou delegado que se atope cumprindo sanción.

1.4.- A aliñación indebida, será sancionada coa perda do encontro por 10-0, dedución de tres puntos na clasificación e multa de 40 €, sendo esta multa dobrada progresivamente (80 € na segunda infracción a esta norma; 160 € na terceira, etc.) (Regulamento Xeral – Libro III, Art 7.I.1 c e Art. 9.III c). Considerarase aliñación indebida:

- Presentar xogadores con idade falsa
- Presentar xogadores de categoría diferente á establecida
- Presentar xogadores sancionados
- Falsear o nº de xogadores en idade prevista para cada categoría
- Falsear relación de xogadores con deportistas fantasmas (non presentes)
- Adestradores sen titulación debida, agás que estea autorizado
- Delegado non asumible (menor, participante no encontro, etc.)

1.5.- Para considerar correcta a aliñación dun equipo deberán estar presentes un mínimo de sete xogadores para o inicio do encontro. Non poderán aliñarse na acta xogadores que non estean presentes, podendo incluílos ata o final do segundo tempo.

1.6.- O Club presentará obligatoriamente relacións oficiais de wáter-polo debidamente formalizadas pola FEGAN.

1.7.- Calquera incidencia observada polos equipos deberá ser comunicada aos árbitros do encontro para poder facela constar na acta e efectuar as comprobacións pertinentes, podendo o equipo afectado facer a reclamación ou alegación á incidencia ata as 14.00 horas do martes inmediato á data de celebración do encontro, para os efectos da súa consideración polo Comité de Competición.

1.8.- Non haberá lugar a reclamacións en caso de non facelo nos prazos fixados.

1.9.- O xogadores deben ir acreditados aos encontros onde figuren na acta (DNI ou pasaporte ou carné de conducir)

2. - Non presentación

2.1.- A non presentación dun equipo (ou presentación dos seus xogadores sen gorros, balóns ou outros que non permitan a celebración do encontro), levará consigo a perda do mesmo por 10-0, dedución de TRES puntos na clasificación, o pagamento total do xurado e multa de 60 €, sendo esta multa dobrada progresivamente (120 € na segunda infracción a esta norma, 240 € na terceira, etc.) (Regulamento Xeral – Libro III, Art 7.I.1 c e Art. 9.III c). Así mesmo, farase cargo dos posibles gastos de desprazamento realizados polo outro equipo.

3.- Retiradas

3.1.- A retirada dun equipo unha vez iniciada a competición será sancionada con 120 € (Regulamento Xeral – Libro III, Art 7.I.1 c e Art. 9.III c), dando lugar á non participación deste na tempada seguinte.

3.2.- Se a retirada se produce durante o transcurso dun encontro, darase por finalizado o mesmo co resultado que figurase no marcador se é favorable ao adversario, (se fose favorable ao equipo que abandona, este será sancionado coa perda do encontro con 10 goles en contra), sempre con dedución de TRES puntos na clasificación, sendo sancionados o Delegado e Adestrador por 4 partidos e multa ao Club de 60 €, debendo pagar o importe total do xurado, independentemente das sancións a que houbese lugar individualmente de terse producido incidentes.

4.- Licenzas de Wáter-polo

4.1.- As licenzas dos xogadores, adestradores e delegados –acompañadas das fichas en caso de menores sen DNI-, deberán presentarse na FEGAN como mínimo 8 días naturais antes do comezo da competición de cada categoría. Os xogadores que sexan presentados con posterioridade, non poderán xogar ata ter transcorrido 7 días naturais da data de presentación da licenza.

4.2.- As relacións oficiais de xogadores presentaranse por categorías de idades na FEGAN, e esta deberá acreditalas para a súa presentación aos árbitros en cada encontro. (Este trámite realizarase a través do programa de licenzas da FEGAN)

4.3.- A non presentación da licenza ou relación oficial da FEGAN será sancionada con multa de 6 € por cada un dos xogadores aliñados con esta incidencia.

4.4.- Se se presenta no partido “Licenza en trámite” sen o permiso ou autorización da FEGAN sería aliñación indebida.

5.- Adestradores

5.1.- As licenzas de adestradores deberán ser presentadas no mesmo prazo que as dos xogadores, nunha relación á parte.

5.2.- No banco, ademais dos xogadores aliñados na acta, só poderán permanecer o delegado, adestrador, segundo adestrador, médico, ATS e un fisioterapeuta, se os houbese, sempre debidamente acreditados, asumindo cada un exclusivamente as súas funcións e sempre que como máximo haxa 10 persoas.

5.3.- Todos os Clubs participantes en competicións de wáter-polo da FEGAN deberán ter obrigatoriamente un adestrador con licenza en vigor segundo as titulacións relativas ás distintas categorías.

6.- Calendarios

6.1.- O Club que solicite un **aprazamento**, xunto coa solicitude, do que se adxunta o modelo, deberá comunicar á Federación DATA, INSTALACIÓN e HORA DE CELEBRACIÓN do encontro que se pretende aprazar. Esta solicitude deberá presentarse na Secretaría da FEGAN con **15 días naturais de antelación** á data que figura no calendario oficial. Non admitíndose solicitudes presentadas fóra de dito prazo, nin aquelas que non se fagan por escrito. As solicitudes de aprazamento deberán estar asinadas por Directivo con licenza federativa que se responsabilice e co selo do Club. Admitiranse solicitudes remitidas por e-mail dende o Club solicitante.

6.2.- É imprescindible para admitila, que a solicitude estea cuberta polos dous equipos, segundo o modelo oficial que se adxunta. En caso de solicitar o aprazamento fóra do prazo fixado, o Club solicitante do mesmo deberá presentar o impreso de solicitude, sendo obligatorio ademais acompañalo do xustificante que avale se é por causa de forza maior, reservándose a FEGAN o dereito de admitir ou non o cambio.

6.3.- Os partidos afectados por aprazamentos deberán celebrarse, polo menos, unha semana antes da data marcada pola FEGAN ou a RFEN para a confirmación de clasificacións oficiais por participación en competicións de categoría nacional.

6.4.- Na situación de final de tempada e por motivo dos cruces play-off que se coñecen con curto prazo de tempo haberá flexibilidade na norma.

7.- Delegados

7.1.- Será imprescindible que o Delegado do Equipo (maior de idade) presente a licenza correspondente.

7.2.- Os Clubs deberán designar DELEGADO DE CAMPO (maior de idade) cando lles corresponda, significando que a súa labor se limita á súa colaboración co xurado nos puntos específicos que se recollen na presente normativa.

7.3.- O Delegado de Equipo advertirá á mesa quen sinalará os tempos mortos en ausencia do adestrador (poderá ser segundo adestrador un delegado ou capitán do equipo), antes do comezo do partido.

7.4.- A ausencia do Delegado de Campo será sancionada con 20 € (Regulamento Xeral – Libro III, Art 7.I.1 c e Art. 9.III c), abondando a súa acreditación co DNI e o nomeamento do seu Club. Será necesaria para a celebración do partido a presenza dunha persoa física que actúe como delegado de campo e, en caso de non habela, o equipo infractor cargará con todos os gastos (multa, arbitraxes do encontro, así como gastos de instalación, se os houbese).

8.- Sistemas de competición e clasificación

8.1.- A puntuación por partido na liga será:

- 3 puntos para o equipo gañador
- 1 punto para cada equipo, en caso de empate
- 0 puntos para o equipo perdedor

A puntuación por partido noutras competicións será:

2 puntos para o equipo gañador

1 punto para cada equipo, en caso de empate

0 puntos para o equipo perdedor

8.2.- Nas competicións oficiais determinarase o equipo campión, segundo ás normativas que se publiquen cada tempada deportiva.

8.3.- En caso de empate doux equipos en número de puntos, nunha competición oficial a dobre volta, a clasificación farase segundo a seguinte orde prioritaria:

- O mellor clasificado será o equipo que sumase máis puntos nos encontros entre ambos.
- O mellor clasificado será o equipo que teña unha maior diferenza de goles entre ambos.
- O mellor clasificado será o equipo que teña maior diferenza de goles no cómputo xeral
- O mellor clasificado será o equipo que marcase maior número de goles.
- No caso de persistir o empate, e só no suposto de que sexa necesario para a clasificación para unha competición posterior, realizarase un novo partido de desempate con prórroga e se persistise o empate recorrerase á morte súbita.

8.4.- En caso de empate en número de puntos, entre máis de doux equipos, en competicións a dobre volta, farase a clasificación segundo a seguinte orde correlativa:

- O mellor clasificado será o equipo que sumase máis puntos nos encontros disputados entre eles.
- O mellor clasificado será o equipo que teña maior diferenza de goles no cómputo xeral de goles.
- O mellor clasificado será o que marcase maior número de goles.
- En caso de persistir o empate lanzaránse penaltis ata desfacer o empate

8.5.- Play-Offs

Os que se disputen a dobre partido seguirán as normas do punto anterior

Considéranse todos ao mellor de 3 partidos nos que non cabe a posibilidade de empate en ningún deles.

8.6.- Se unha vez finalizado o tempo regulamentario de xogo dun partido, e fose necesario segundo as normas de cada competición, tras 5 minutos de descanso, xogarase un tempo de prorroga, que constará de dous períodos de 3 minutos de xogo real cada un, con dous minutos de descanso entre períodos, para que os equipos efectúen o cambio de campo. Finalizados os dous períodos da prorroga no caso de persistir o empate, despois de 1 minuto de descanso, xogarase un último período, sen límite de tempo, ata que un deles marque gol, momento no que se daría por finalizado o encontro

9.- Condicións técnicas

9.1.- Nos encontros de Liga Territorial a duración do xogo será de catro períodos de oito 7 minutos cada un de tempo real, con intervalos de dous minutos entre o primeiro e o segundo período e entre o terceiro e o cuarto, e cinco minutos entre o segundo e o terceiro. Os equipos disporán de tres tempos mortos. A súa petición e duración será de acordo coa regulamentación da RFEN. Na liga infantil a duración dos períodos será de 6 minutos, ademais os equipos poderán solicitar xogar coas normas de mini wáter-polo. O equipo que así o deseñe deberá solicitalo á FEGAN con 10 días de antelación. A única variación a estas normas é a relativa ao resultado do partido que será o global de goles a favor e goles en contra ao longo dos 4 períodos.

9.2.- Lémbrese que ao primeiro adestrador do equipo atacante se lle permite moverse en calquera momento ata a liña de 5 metros.

10.- Actas

10.1.- O equipo organizador facilitará ao xurado a acta oficial e os árbitros levantarán acta por triplicado, entregándose un exemplar ao finalizar o partido a cada equipo.

10.2.- Non se poderán anotar na acta os xogadores que non estean presentes no encontro, podendo incluílos o secretario do xurado, se se presentasen antes do final do segundo tempo.

10.3.- Na acta deberán asinar, antes do comezo do partido, o Delegado de Campo e os Capitáns de ambos equipos. Estas sinaturas darán fe dos datos que figuran relativos aos xogadores, adestrador e delegado dos seus respectivos equipos (nome, nº de licenza, ano de nacemento, etc.), sendo responsables os asinantes de calquera anomalía nos datos referidos ao seu equipo.

10.4.- Aínda que non comparezan un ou ambos equipos, ou que se se suspendese o partido por calquera outra causa, haberá que realizar a acta correspondente, facendo constar no anexo os motivos que levan a determinar a suspensión.

10.5.- No caso de ter que elevar un informe por incidente, o árbitro poderá facer constar en INCIDENCIAS, únicamente "SEGUE INFORME", redactando este nas VINTE E CATRO HORAS seguintes, e remitíndoo ao Comité de Competición, o cal poñerá en coñecemento dos dous equipos o devandito informe e obterá dos equipos información dos incidentes relatados, se así o estimase oportuno.

10.6.- Na sección correspondente da acta deberá facerse constar o número de licenza dos xogadores para a tempada en curso. En todo caso, se xurdise alguma dúbida, o árbitro encargarase de que os xogadores acrediten sen dúbida ningunha a súa personalidade e demais datos. Así mesmo, encargarase de recoller a firma do deportista no caso de que este non figure na relación oficial nin teña ficha, na sección INCIDENCIAS, comprobándose posteriormente a veracidade dos datos.

10.7.- As actas deberán ser confeccionadas respectando a observancia das seguintes normas:

- a) Redactar a acta de forma breve, concisa e flexible.
- b) Incluir nella todo incidente ou reclamación (ou significar SEGUE INFORME).
- c) Recoller todos os datos necesarios para coñecer o incidente.
- d) Non facer cualificacións do suceso, limitándose a reflectir na acta o feito ocorrido e o resultado das comprobacións, se as houbese.
- e) En caso de insulto a xogadores, árbitros, técnicos, etc., facer constar exactamente o tipo de insulto.
- f) O club deberá facer chegar á FEGAN copia da acta o antes posible, como máximo 48 horas despois de terse celebrado o encontro.

11. Arbitraxes

11.1.- O xurado mínimo deberá estar composto por dous árbitros e tres auxiliares de mesa.

11.2.- Os árbitros e auxiliares para os partidos serán designados pola FEGAN a través do CTA. En todas as competicións territoriais será obligatoria a dobre arbitrase, agás nos casos de forza maior, nos que o partido se celebrará cun só árbitro, sempre e cando este considere que o encontro pode levarse a cabo nesas condicións.

11.3.- Os errores técnicos dos árbitros serán resoltos polo COMITÉ GALEGO DE ÁRBITROS, que informará das resolucións adoptadas ao Comité de Competición e ao responsable técnico da FEGAN

12. Comité de competición

12.1.- Para resolver as incidencias que poidan producirse nas competicións territoriais, actuará o Comité de Competición da FEGAN (xuíz único), o que se rexirá polo Regulamento de WP da FINA, Regulamento da División de WP da RFEN, Regulamento Xeral da RFEN e Regulamento Xeral e Normativa de WP da FEGAN.

12.2.- Para os efectos da competición, lémbrase que as sancións do Comité son de efectos inmediatos, sen que se suspendan ou paralicen pola interposición de recurso contra as mesmas.

12.3.- A suspensión aplicarase en calquera partido que se xogue a continuación segundo o calendario inicial, debendo cumplirse na categoría na que se produciu a sanción (agás en caso de sanción grave e cambio de categoría, que deberá cumplir a sanción na súa totalidade, aínda na nova).

12.4.- Para as súas resolucións o Comité de Competición utilizará as actas dos partidos e, en caso de que os houbese, os informes arbitrais.

12.5.- As resolucións adoptadas faranse chegar aos Clubs da forma máis rápida posible, adiantando a comunicación telefonicamente se se estimase oportuno.

12.6.- Coa mesma data a FEGAN enviará ao Comité de Árbitros aquellas sancións pendentes de cumplir, para os efectos oportunos.

13.- Obrigas dos clubs

13.1.- O club organizador en cada partido, deberá ter preparado o campo de xogo regulamentario, polo menos 30 minutos antes da hora sinalada para o comezo do mesmo. Todos os membros dos equipos deben ir acreditados (ficha ou DNI ou carné de conducir).

13.2.- Deberá dispoñer de todo o material necesario para o desenvolvemento do encontro, segundo o regulamento RFEN vixente. Haberá un mínimo de tres balóns para o partido, que serán revisados polo árbitro, así como tres cronómetros para o control dos tempos, campá para avisar o último minuto e as bandeiras regulamentarias de mesa.

13.3.- A FEGAN facilitará aos Clubs acta oficial para a súa entrega ao xurado en cada encontro do que sexan organizadores.

13.4.- O Club organizador (e entenderase como Club organizador o que figure en primeiro lugar no encontro), debe velar pola seguridade dos membros do xurado, así como dos componentes do equipo contrario, etc., sendo obligatoria pola súa parte a presenza dun Delegado de Campo (ou persoa que asuma as súas funcións). Durante o partido procurarán por todos os medios ao seu alcance, que non se produzan incidentes de ningunha clase, cortándoos na medida das súas posibilidades.

13.5.- Así mesmo, o Delegado de Campo deberá protexer ao xurado, así como aos componentes do equipo contrario, etc., e debe coidar de que os árbitros poidan efectuar o seu traballo sen interferencias estrañas, atendendo en todo ás súas indicacións. O Delegado de Campo situarase xunto á mesa do xurado.

13.6.- O Delegado de Campo coidará de reprimir os insultos. Deberá, así mesmo, de controlar, dentro das súas posibilidades, a actitude do público. En caso de incidentes, o árbitro deberá facer constar na acta a actuación do Delegado de Campo.

13.7.- Se a actuación do Delegado de Campo non fose correcta, o árbitro presentará informe disto ao Comité de Competición.

13.8.- En caso de incidencias, calquera dos Clubs que disputasen o partido, poderán manifestar por escrito as

alegacións que estimen oportunas; estas se deberán remitir por escrito á FEGAN ata as 14.00 horas do martes seguinte á celebración do partido, non admitíndose as presentadas fóra de dito prazo. Se un dos equipos observa algúnsa irregularidade, deberá comunicarollo ao árbitro antes de que os xogadores e os equipos saian da instalación, para que poida facerse relación a ela na acta.

13.9.- En concepto de gastos de arbitraxe (actuación), cando corresponda, os clubs pagarán por anticipado á celebración do encontro, o importe do xurado.

13.10.- Todo o non recollido neste Regulamento, rexererase polo da División Nacional de wáter-polo da RFEN.

14.- Seguridade

Os xogadores absteranse de levar pulseiras, aneis, "piercings" ou calquera outro tipo de elemento que poida ocasionar feridas ou lesións a outros compañeiros ou a el mesmo durante o xogo.

Antes de cada encontro os xogadores dos dous equipos formarán nun lateral do campo onde serán revisados polos árbitros. Despois da revisión os árbitros situaranse entre os dous equipos e tras saudar ao público darán comezo ao encontro.

A Coruña, 21 de xullo de 2006

Federación Galega de Natación Impreso de solicitud de aprazamento																			
CLUB SOLICITANTE:																			
DATA DE SOLICITUDE:																			
DATA INICIAL DO ENCONTRO A APRAZAR:																			
ENCONTRO:																			
DATA E HORA PROPOSTA:																			
PISCINA:																			
Responsable da solicitude:																			
Licenza nº:																			
Sinatura e selo do Club solicitante (nos envíos por correo electrónico isto non é necesario)																			
Responsable polo Club que acepta o cambio:																			
Licenza nº:																			
Sinatura e selo do Club que acepta o cambio (nos envíos por correo electrónico isto non é necesario)																			
Las solicitudes presentadas por correo electrónico deberán ser remitidas dende correo oficial do Club. As solicitudes presentadas por fax poderán ser remitidas por ambos clubs de xeito independente. Cada club remitirá unha solicitude cos seus datos, sinatura e selo correspondentes																			
Os Clubs arriba asinantes acordan o cambio recollido neste impreso A EXPENSAS DE CONFIRMACIÓN POLA FEGAN da súa aceptación, INCORPORANDO, se procede a taxa correspondente á FEGAN																			
<table border="1"> <tr> <td rowspan="3">MODIFICACIÓN DATA</td> <td>Ata 15 días antes</td> <td>Con conformidade</td> <td rowspan="3">Sen cota 60 € *</td> </tr> <tr> <td>Entre 15 e 7 días</td> <td>Con conformidade</td> </tr> <tr> <td>Menos de 7 días</td> <td>NON SE ADMITE CAMBIO</td> </tr> <tr> <td rowspan="3">MODIFICACIÓN DATA</td> <td>Ata 15 días antes</td> <td>Con conformidade</td> <td rowspan="3">Sen cota 30€ *</td> </tr> <tr> <td>Entre 15 e 7 días</td> <td>Con conformidade</td> </tr> <tr> <td>Menos de 7 días</td> <td>NON SE ADMITE CAMBIO</td> </tr> </table>				MODIFICACIÓN DATA	Ata 15 días antes	Con conformidade	Sen cota 60 € *	Entre 15 e 7 días	Con conformidade	Menos de 7 días	NON SE ADMITE CAMBIO	MODIFICACIÓN DATA	Ata 15 días antes	Con conformidade	Sen cota 30€ *	Entre 15 e 7 días	Con conformidade	Menos de 7 días	NON SE ADMITE CAMBIO
MODIFICACIÓN DATA	Ata 15 días antes	Con conformidade	Sen cota 60 € *																
	Entre 15 e 7 días	Con conformidade																	
	Menos de 7 días	NON SE ADMITE CAMBIO																	
MODIFICACIÓN DATA	Ata 15 días antes	Con conformidade	Sen cota 30€ *																
	Entre 15 e 7 días	Con conformidade																	
	Menos de 7 días	NON SE ADMITE CAMBIO																	
* (Regulamento Xeral – Libro III, Art 7.I.1 c e Art. 9.III c)																			
Resolución da FEGAN:																			